

Газет 2001-йисан
ноябрдилай акъатзава

Эренлардин сес

РД - дин Докъузпара райондин общественно - политический газет.
Общественно-политическая газета Докъузпаринского района РД.

№40 (710) 7 - Октябрь, Арбе, 2015 - йис. Къимет "зур йис"-165 манат.

Виридуьньядин муаллимрин йикъаз талукъ «Докъузпара район» муниципальный тешкилатдин кыл К.С. Абасован ТЕБРИК



Играми муаллимар! Тарихдин чинриз вил веъейла, кьейд ийиз жада: гъеле советрин девирда СССР-дин Верховный Советдин Президиумдин къарардалди гъар йисан 29- сентябрь Муаллимрин Югъ яз кьейдзавай. 1994-йисуз лагъайтла, муаллимрин йикъан сувар ЮНЕСКО-дин къарардалди Виридуьньядин йаз гъисабна ва ам гъар йисан 5- октябрдин юкъуз кыле тухузва. Гъакъикъатдани, муаллимдин зегъмет чи обществада виридалайни кар алай къиметлу ва важиблу сенят я. Куьне тербия ва чирвилер гузвай несили чи Ватандин пакад йикъан къисмет гъялуниз, адан оборонадан гуж ва къуват мягкемарунин карла, вири къуватар серфайдахъ чна еке умуд кутазва. Муаллимди инсан ватанперес хъунин кардиз къуллугъзава.

Къуй Квехъ Куь регъят тушир кваллахда еке агалкъунар, мягкем нервияр ва сагъламвал хъурай! Заз Квехъ хсуси уьмуьрда еке къулайвилер, зегъметда члехи агалкъунар хъана кланзава. Квез пешекарвилдин йикъан сувар за риклин сидкъидай мубаракзава!

Нубатдин совещание

2015-йисан 5-октябрдиз, райадминистрациядин заседанийрин тешкилатдин залда Докъузпара райондин муниципальный тешкилатдин кыл К.С.Абасова нубатдин совещание ачухна. Иниз райадминистрациядин къуллугъчийриз, хуьрерин тешкилатрин кылериз, идарайрин ва тешкилатрин руководителриз

эвер ганвай. Йикъан совещаниедал хейлин важиблу месэлаяр акъвазнавай. 5-октябрь муаллимдин ва архитектордин суварин югъ яз календардин чинра кьейд авуниз килигна, Керимхан Абасова и важиблу суварин югъ чи райондин вири муаллимриз, Гъвейибег Шагъвеледоваз ва жегъил архитектор Багдадин Сулеймановаз

хуш келимайралди, регъят тушир пешекарвилдин зегъметда агалкъунар тлалабуналди тебрикна. Ахпа ала райадминистрациядин кылин заместитель Салигъ Гъажимурадоваз «Заслуженный работник МО РД» дережа мубаракна, медаль ва шагъдатнама



вахкуналди нубатдин совещание ачухна. Йикъан совещаниедал акъвазнавай месэлаяр тир:

1) Къиблепатан районрин райадминистрациядин къилерин ва экономикадин отделрин начальникрин иштираквал аваз, Хив района РД экономикадин ва территория вилик артмишунин рекъай тир министр Раюдин Юсуфова ачухай конференциядикай;

2) Налукрин гъахъ-гъсабликай;

3) Къвализ ва чилиз «зеленка» шагъдатнама хъун гъар са касдивай къанунди истемишзавайдакай ва месб.

Сифте месэладай райадминистрациядин къил Абдурагъим Алискерова Къиблепатан районрин райадминистрациядин къилерин ва экономикадин отделрин начальникрин иштираквал аваз, Хив района РД экономикадин ва территория вилик артмишунин



рекъай тир министр Раюдин Юсуфова къиле тухвай конференциядал чи район экономикадин хилэй хъсан чкадал алай районрин жергеда авайди тистикъна, лайихлу къимет ганвайдакай събетна. Винихъ къейднавай месэлайриз килигайдалай гуьгъуьниз, Йикъан совещаниедал акъвазнавай важиблу месэла, чи района кардик квай

алиш-вершидин карханаяр ва анра мажибар къачуз налукар гун тийизвай ксар налогрин службадин учетрал эшигунин карда райондин комиссиядин вилик акъвазнавай везифайрикай тир. Са хейлин месэлайриз килигуналди нубатдин совещание акъалтІна.

Эдуард ГЪАЖИБЕКОВ

5-октябрь – Муаллимдин югъ

Уьмуьрдин чІехи пай аялриз бахшна

Муаллим лагъай тІвар дугъри, чІехи ва паклу я. Муаллим – им пеше туш, амма уьмуьрдин саягъ я. Адан кІвалахда къилинди – им чирвал гунилай алава яз, хъсан хесетрин халисан инсан тербияламишун я. Алай аямдин муаллимдиз хъанвай агалкъунралди акъваз тавун важиблу я, адан зегъмет – им къадар авачир яратмишунрин лап хъсан чка я эхир.

Агъадихъ вичикай ихтилат физвай чІехи категориядин математикадин муаллим Эфендиева Абидат Сейфединовна я. Ада Усугъчайдин юкван школада аялриз чирвал ва тербия гузва.

Вичин регъат тушир рехъ Абидат муаллимди, 1969-йисуз гъеле жегъил руш яз гъа винидихъ тІвар къур школада башламишна. Сифте йисара ада пионеррин дестедин къиле кІвалахна.

1975-йисуз Абидат



Сейфединовнадиз Ленинан тІварунихъ галай Вири Союздин пионеррин тешкилатдин Советдин патай гуьрметдин грамота ва значок пишкешна. Гъа са вахтунда

А. Эфендиева ДГУ-дин математикадин факультетдик кІелиз экечІна.

1976-йисуз институт акъалтІарай Абидат Эфендиева вичин пешедив гатІум жезва. Школада ада аялриз тербия ва математикадин дерин чирвилер гуз хъана. Аялриз тербия гунин жигъетдай директордин заместителвиле кІвалахна.

1998-йисуз Абидат муаллимдин зегъмет «Халкъдин образованидин отличник» лагъай липандалди къейднава. КІвалахдин рекъай адахъ гзаф гуьрметдин грамотаяр ава. Са шумуд сеферда райондин ва чкадин Советрин депутатвиле хкъагънава.

1971-йисуз КПСС-дин членвиле хкъагъна.

1974-1991-йисара А.

Эфендиевади школадин партиядин первичный тешкилатдин секретарвиле к'валахна.

Гзаф йисарин гьакъисагъ зегъметдиз килигна, 2005-йисуз Абидат муаллимдиз «Дагъустандин лайихлу муаллим» лагъай гуьрметдин т'вар гана.

2007 ва 2012 - йисара А. Эфендиевадиз, акъалтзавай несилдиз тербия ва чирвал гунин баралай хъанвай агалкъунрай, РФ-дин образованидин ва илимдин Министрстводин патай гуьрметдин грамотаяр пишкешна.

Саки 50 йисан зегъметдин стаж авай Абидат Сейфединовнади жегил муаллимриз насигатар ва

вичелай алакьдай куьмекар гузва. Ада тарс гузвай аялар чирвилерал мягъкем ва гъар са кардал уьткъем я. Икъван яргал йисара, уьмуьрдин ч'ехи пай аялриз бахшнавай муаллимдиз, гъар сада чухсагъул лугъун буржлу я. Ада тарс гайи аялар, набататрин тумари яд галукъайла цирдай жуьреда гъар сад сана машгъур хъанва. Абурун арада духтурар, муаллимар, чиновникар ава.

Абидат муаллимди вад аял хвена ч'ехи авуна тербия гана. Абуру вирида институтар акъалт'арнава. Ч'ехи хва Рустам медицинадин илимрин кандидат я. Ада Москвада авай Н. Приорован т'варунихъ галай

ЦИТО азарханада к'валахзава.

Алай вахтунда Абидат Сейфединовнади Усугъчайдин чкадин Советдин председателдин заместителвиле ва Докъузпара райондин общественный палатадин секретарвиле к'валахзава.

2015-йисуз Абидат муаллим Докъузпара райондин агъсакълрин Советдин председателвиле ва райсобранидин депутатвиле хкъягъна. Ам акъалтзавай несилдиз чирвилер ва тербия гуникай кьерех хъанвач.

Чна адаз чандин сагъвал ва мадни еке агалкъунар хъун т'алабзава.

А. ЭМИРСУЛТАНОВ

АНТИТЕРРОР

ИГИЛ - террористрин ва экстремистрин десте

ИГИЛ- им Левантадикайни Иракдикай арадал атанвай исламдин салани къабул тавунвай гьукумат я. Ам Сириядин ва Иракдин уьлквейрин сергъятра кардик квай террористрин тешкилат я. 2014-йисан 29-июндиз ИГИЛ-ди чеб вири дуьньядин халифат яз малумарна. Чи гьукуматдин къанундалди ИГИЛ-дин сиясатдиз акси фена к'анда .

ИГИЛ тешкилатдикай

2006-йисан 15- октябрдиз иорданви Абу Мусаиб аз-Заркавиди «Аль-Кайда»-дин теклифдалди ИГИЛ тешкилна.

Россия ИГИЛ-дин аксина

2014 - йисан сентябрдин сифте къилерай террористрин дестеди Россиядиз, Чечня ва Кавказ «азад» авунин къурхуяр гана. Адаз жаваб яз Чечнядин Къил Рамзан Кадырова террористар тергда лагъана гаф гана. Адалай алава яз, Кадырован фикирдалди ИГИЛ-дестедин къил Аль-Багълади ИФРУ-дин жасус я.

ИГИЛ-дин тахсиркарвилер

ООН-ди ислягъвал гвай агъалийриз акси яз ишлемишнавай



гзаф тахсиркарвилера ИГИЛ батлуларзава. Дестедин къурбандар курдар, езида хътин халкъар ва са бязи диндин дестеяр : шиитар, хашпараяр жезва. Абуру ИГИЛ-ди макъсаддалди тергзава. 2015-йисан мартдин вацра ИГИЛ-ди саки 3 агъзур езид гъа жергедай яз аялар, дигегълияр ва яшллубур дустагъна. Ихтиярар хуьзвай Amnesty International , тешкилатдин докладдал асаслу яз вишералди дигегълияр ва рушар чпин яшар 14 ва 15 ва адалайни т'имилбур террористрин патай гуж гуналди къурбандар хъана. ИГИЛ-ди неики

инсанар ва гъак' культурадин тарих авай имаратарни барбат'зава. Террористрин гъилерикди 7 вишелейни гзаф тарихдин дараматар терг хъанва. Алай вахтунда Россиядин уьлкведи ИГИЛ терг авун патал цавун дяведин къушунар кардик кутунва . ИГИЛ, им дуьньядин инсаниятдиз къурху авай, Америкадин фикирдалди арадал гъанвай тешкилат я. Адаз акси экъеч'ун, гъар са уьлкведин буржи я.

Вадим АГЪАМУРАДОВ

ВНИМАНИЕ!!!

Ложное сообщение влечет уголовную ответственность

Поступающая в аппарат Антитеррористической комиссии в Республике Дагестан информация свидетельствует о тенденции роста анонимных сообщений о готовящихся террористических актах в местах массового скопления людей, учебных заведениях, на объектах транспорта и в отношении отдельных предприятий и их руководителей. При этом большинство анонимно поступающих данных об угрозах террористического характера не находят своего подтверждения, но между тем лицам, их предоставившим, удается избежать уголовной и административной ответственности. Данное обстоятельство и недостаточно эффективная работа по профилактике указанных противоправных деяний являются основными причинами увеличения анонимных проявлений.

Вместе с тем проверка подобного рода информации, а также предпринимаемые первоочередные меры по недопущению террористических актов требуют значительных затрат сил и средств. Срочная эвакуация

граждан из мест массового скопления людей и медицинских учреждений, в целях проверки сведений об их возможном минировании, вызывает негативный общественный резонанс и дорого обходится государственному бюджету, а также зачастую чревата ухудшением состояния пациентов.

Для повышения эффективности розыска авторов, исполнителей и распространителей анонимных письменных материалов, телефонных и интернет-сообщений террористического характера, необходимо проведение информационно-пропагандистских мероприятий, целью которых является формирование у населения мнения о неизбежности и строгости наказания за распространение заведомо ложной информации о террористических актах и недопущение таких действий.

Так, например житель Республики Дагестан неоднократно направлял анонимные сообщения: 14.08.2015г. на телефон ООО «Учебно-информационный центр С» (расположен в г. Саратове по

Вишневому проезду, д. 19) с угрозой взрыва данного центра; 22.08.2015г. на телефон справочной службы компании «Российские железные дороги» с угрозой совершить теракт в поездах, следующих из городов Москвы и Волгограда.

В ходе проведенных правоохранительными органами розыскных мероприятий аноним был установлен, и в настоящее время решается вопрос о возбуждении в отношении него уголовного дела по ст. 207 УК РФ.

В связи с изложенным, просим Вас совместно с правоохранительными органами организовать на местах работу с целью доведения до жителей (на сходах, собраниях и т.д.) информации о неотвратимости наказания за проявления подобного характера, отвращения сил и средств на поиски преступников, а также за дезорганизацию деятельности органов власти и управления на местах.

**Д. ФЕЙЗУЛЛАЕВ, советник
Главы РД, ответственный
секретарь АТК в РД.**

Ветеринария

НОДУЛЯРНЫЙ ДЕРМАТИТ КРУПНОГО РОГАТОГО СКОТА

Нодулярный дерматит - болезнь, характеризующаяся лихорадкой и образованием на коже специфич. узелков (бугорков). Протекает в виде эпизоотии. Болезнь наблюдалась в странах Юж. и Вост. Африки, Европы (Румыния, Венгрия, ФРГ), Азии и в Австралии; в СССР не зарегистрирована. Летальность 4—95%.

Этиология. Возбудитель Н. д. к. р. с. — неклассифицированный вирус. Предполагают, что болезнь вызывают 3 типа вирусов, к-рые отличаются друг от друга по патогенности для кр. рог. скота и

лабораторных животных, цитопатогенному действию и, вероятно, иммунологически. Осн. возбудитель болезни — вирус типа нитлинг, к-рый чаще других выделяется из патол. материала. Вирус чувствителен к эфиру, прогреванию и хорошо сохраняется в высушенном состоянии (более 5 лет). Дезинфицирующие средства (3%-ный р-р щёлочи, 1%-ный р-р фенола, 3—5%-ные р-ры лизола, молочной к-ты и др.) и солнечный свет инактивируют вирус в течение нескольких часов. К вирусу восприимчивы кр. рог. скот, овцы,

козы, кролики, морские свинки и новорожденные мыши.

Симптомы и лечение.

Н. д. к. р. с. протекает хронически. Инкубационный период от 3 до 13 сут. Болезнь начинается повышением темп-ры тела до 40 °С и выше; затем появляются водянистые истечения из глаз, вялость, отказ от корма, слюнотечение, скованная походка и прогрессирующее исхудание. На коже (чаще ног и живота) образуются бугорки с плоской

поверхностью диам. 0,5—0,7 см, выс. 0,5 см. Через 1—3 нед с момента появления бугорков ткань внутри них полностью некротизируется и образуются секвестры. При благоприятном исходе они заполняются грануляц. тканью и животное выздоравливает и течение 4—6 нед. При тяжёлой форме узелки обнаруживают в ротовой полости, в лёгких, органах пищеварения. В них образуются плоские круглые серовато-жёлтые некротич. очажки, к-рые нагнаиваются и изъязвляются, изо рта выделяется густая тягучая слюна, из носа — слизь со зловонным запахом. У лактирующих коров поражённое вымя увеличено, в нём возникают узелки; молоко становится густым с розоватым оттенком, при нагревании образует гель. У быков при поражении семенников вирус выделяется со спермой более 2 мес после выздоровления.

Патологоанатомические изменения. Находят поражение лимфатич. узлов; звездчатые кровоизлияния под висцеральной плеврой, в раковинах носовых ходов, селезёнке, печени, рубце; отёк лёгких; узелки в большинстве внутр. органов; явления общей



интоксикации. Диагноз ставят на основе эпизоотол. данных, клинич. картины, патологоанатомич. изменений и результатов лабораторного исследования (выделение возбудителя и биопроба). Н. д. к. р. с. дифференцируют от кожной формы туберкулёза, крапивницы, стрептотрихоза, дерматофилёза, эпизоотич. лимфангита, оспы, демодекоза, а также поражений кожи после укусов насекомых.

Лечение. Вскрывшиеся узелки обрабатывают р-рами

дезинфицирующих средств. Назначают сульфаниламиды и антибиотики для профилактики вторичной инфекции.

Профилактика и меры борьбы. Специфич. профилактика разработана не полностью. Для иммунизации против Н. д. к. р. с., вызываемого вирусом типа нитлинг, применяют штаммы вируса оспы овец. Неблагополучные х-ва карантинируют. Вывоз животного сырья разрешают только после его специальной обработки.

Камалэгълийрин ирсинай

Дишегълийрин къилихрикай

Вири дишегълиар цIуд жуьрединбуруз пай жезва ва абурун къилихарни бязи гъайванриз ухшар я: вакIаз, маймундиз, кицIиз, гъулягъдиз, ламраз, акъребдиз, кьифрез, къушпраз, сикIрез ва хипез. Идан гъикI гъавурда акъун лазим я?

- **ВакIан** къилихдиз ухшар дишегъли- им вичелай са затIни алакь тийизвай, анжах руфун ацIурунал машгъулди я. Ам кIвал- югъ кьиле тухунивай яргъа я. Аялар са нел ятIани вегъена, ахътинди вичин дердийра жада;

- **Маймундин** хесетар квай дишегълидиз иер, чIагай, къацу, хъипи рангарин парталар, багъа безекар кIанда. Ахътинда гъулюн

вилик вичин дережа хкажиз алахъда;

- **КицIин** хесет квай дишегълиди датIана кIвалин кьене кьал тваз гъавалат жада. Гъулюн чина акъвазда, гъарай —эвер акъудда, гъуьжетарда. Гъулюн кисе ацIанвайла, адаз мез-гъвел яла. “Вун патал зун чаннини гуз гъазур я,”- лугъуда ахътинда гъулюн. Нагагъ гъулюн кIвалахар хъсан тушиз хъайитIа, вичиз кIамай кьван кьадарда кIвализ пул хкин тийиз хъайитIа, ам, кицI хъиз, кIвалин кьеневай итмидал тепилмиш жада;

- **Гъулягъдиз** тешпигъ дишегъли ахътин къилихринди я хъи, ам датIана, хъсан гафар мецел алаз,

гъуьлел “аруш” жада, рикIин кьеней лагъайтIа, ахътиндаз гъуьл аквадай вилер авач. Вичин рикIе ада агъу кIватIава. Ахътин дишегълиди хъуьтуьлдиз кIас гула, вичелайни вич зерифдиз кьалурда. Гъа са вахтунда ада гъулюн рикIиз ахътин тIарвал гуда хъи!...

- **Ламраз** ухшарди са чIалал алай, анжах вичин гаф гъайди жада. КIамай кьван гатугъ, нагагъ муькъуьн юкьвал акъвазнаватIа, ам анлай чIарни юзадач. Ам акъван вич- вичихъ инанмиш я хъи, гъич садан гафарини ахътин дишегълидиз таъсирдач, ам гъакъван такабур я;

- **Акьреб** хътинди, кIан хъайила, ваз кIвале жигъидач. Ам шер-фитне гваз датIана кьуншийрин кIвалера жеда. Ада ийизвай ихтилатрихъ чинеба яб акалда ва гуьгуьнлай, вичин патайни са вал- цIул гаф кукхуна хъиз, а ихтилатар вири махлукъатдиз чукIурда. Кьал- кьиж твада. Ахътин дишегълидиз Аллагъдихъай кIусни кичIе туш. Гина ахътин дишегълидал дуьшуьш хъайитIани, акьребди хъиз, ада кIас гуда. Ихътинбурукай Расуллагъди (с.а.с.) лагъанва: “Фитне гвай дишегъли женнетгъли жедач”.

- **Кьифрез** ухшар дишегъли чуьнуьхиз вердишди я. Ада, чуьнуьхгумбатIди хъиз, чинеба вичин гуьлуьн кисе ахъайла, ва чуьнуьхиз затI- матI кьуьни- кьуьншийрин кIвалера кIевирда.

- **Къушраз** ухшарди датIана кIвалин кьене кIвачел жеда. Нубат алазни, алачизни ада вичин гуьл шаклувилик кутада. Гуьлуьз гъамиша гуьнтI гуда, туьнбуьгъарда: вун гъиниз физва? Вучиз вун, гъамиша и зи кьвалал жедач? Вахъ пата маса дишегълияр авайди я! Зун и кардихъ инанмиш я...” Гъа ихътин кьадарсуз шаклувал хас жеда и жуьредин килих авай дишегълидиз.

- **СикIрез** ухшарди ахътиндаз лугъуда хъи, алаз гуьл кIвалин кьене хъана кIандач. КIвале авайла, ам катдай кьал гъида. Гуя вич кефсуз я, начагъдан амалар ийида, амма вак хъиз сагълам я. Гуьл кIвалая куьчедиз фидайлани наразивал кьалурда: “И начагъ, кефсуз зун туна, вун гъиниз я?”- лугъуда ада.

- **Хипен** килих авайди виридалайни тамам, кьени, секин, вичин кIвалин- кьан кьайгъуда авай, гуьлуьн чIалаз муьтIуьгъди я. Ада виридан- кьуни- кьуншийрин, чирхчирин, мукъва- кьилийрин гъалдикай хабар кьада. Ам вичин аялриз тамам тербия гун патал чалишмиш жеда. Адан кIвалин кьене кьайда селитга аквада. Мугъмандиз чин ачуьда, им Аллагъдиз муьтIуьгъ, вичин кьадар- кьисметдилай рази дишегъли я.

“Илим вадин” журналдай гъазурайди рагъметлу Гуьлмегъамед Шугаев я.

Спорт

Азаддиз кьуршахар кьунай турнир

9-10-сентябрдин йикъара кьадим Ахъегърин хуьруьн спортдин дворецда РСФСР-дин физкультурадин лайихлу работник, азаддиз кьуршахар кьунай ва самбодай РФ-дин спортдин мастер тир Сулейман Эфендиеван уstadвили талукъарнавай ва «Ахъегъ район» муниципальный тешкилатдин кьил Осман Магъмудович Абдулкеримован призар гуьнз кьалурнавай ва вич Дагъустандин халкьарин садвили

йикъаз талукъ яз, азаддиз кьуршахар кьунай Кьиблепатан Дагъустандин турнир киле фена.

Акъажурин майдандиз 9 райондин командаяр атанвай. Пагъливанрин кьадар 120 кас авай. Чи райондай ана 13 касди иштиракна. 35 килограммдин агъурвал авайбурун жергеда сад лагъай чкадиз Агъасиев Насруллагъ, 38-кг-дай сад лагъай чкадиз Мегъединов Джапил лайихлу хъана, абуру турнирдин чемпионвили

тIварар кьачуна. Абур кьведни вини Кара-куьредин СОШ-дин аялар я. Жегъил пагъливанриз вердишвилер гуьзвайди дзю-додай РФ-дин КМС, тренер, ДЮСШ-дин директор Шихмурадов Амурер Велимурадович я. Агъасиев Насруллагъаз килигъзавайбурун кIанивал авай (зрительская симпатия) призни ганай.

Шагъбала ШАГЪБАЛАЕВ

Редакциядиз чар

Зегъметдин ветеран, Докъузпара райондин образованиедин управлениедин кассир Саидов Заидин Мусаевича чаз кхъизва: «Гуьрметлу «Эренлардин сес» газетдин редакциядин коллектив! Заз рикIин тир гъиссеривди кьейд ийиз кIанзава: гъар пакамахъ, кIвалахал атайла, кьунши редакциядин ракIар ахъа яз аквада. Алай чалпачух



девирда ина работникри зегъметдин низам квадар тийизвайвили ачух лишанар кьатIуз жезва. Чапзавай материалар руьгъ тухардайбуру ва маналубуру я. Газетди неинки райондин, гъакI маса районрин важиблу, метлеблу вакъайрикай, дуьньядин хабаррикайни кIелзавайбуру хабардарзава. Зегъметдин кодексдин истемишунрал амална кIвалахун

гъамиша важиблу я. А ерияр заз «ЭС» газетдин редакциядин коллективдин зегъметдин лишанрай ва гъар экуьнахъ зегъметдин югъ (сятдин 8) эгечIдалди, журналистрин десте кIвалахдив эгечIунин ерийри кьалурзава. Сагърай куьн зегъметдин кьанунрал амална кIвалахзавай «ЭС» газетдин коллектив!

Мукъаят хъухъ!

Редактордин гаф!

Куьчеда къекъуьнрал дуьз амал ая!



Гъуьрметлу, Усугъчайдин СОШ-дин муаллимар! Алай девир гуьзет тийизвай кърбандринди хъанва. Гзаф жегил чанар пуч жезва, аялар набуд яз амуькзават. Абурун кьилел бедбахт хасаратвилер татун патал тлалазва, аялар дуьз гъавурдик кутун: - автотранспорт къекъезвай рекъай, юкь къуна, фин тавурай! Усугъчайдин кьилин рекъин юкь къуна аярихъ галаз мектебдиз-ва

аялрин бахчадиз физ-хквезвай муаллимар ва диде-бубаярни тиймил туш! Хъуьтлуьн вахтунда дуьшуьшар лап хаталубур ва бедбахтбур хъун мумкин я. Автотранспорт водителдиз хабарсуз кьайладикай хкатна, вичиз клани патахъай еримишна, бедбахтвилер арадал къезвай дуьшуьшар гзаф хъанва. Эгер куьне гъар са агъалиди и кардиз дуьз фагъум тавуртла, нетижада еке

хасаратвилер ва бедбахтвилер арадал къеда.

Тлалазва муаллимривай, диде-бубайривай, автотранспорт къекъезвай рекъин юкь къуна фин тавун ва акъалтзавай несил дуьз гъавурдик кутун. Абурун сагъламвал хъуьлайди ва гележегдин бахтлувал туьклуьрлайди куьне гайи тербия я.

ЕТИМЭМИН

ДУЬНЯ ГЪЕЙ

Мегер гъикъван жедатун чал гъавалат?
Ша, мийир тун, бес я, аман дуьня гъей!
Бязибуруз я вун гъамни хажалат.
Бязибуруз я вун девран, дуьня гъей!

Фугъараяр бязи гъам- хажалатиз,
Бязибуруз кьунвачни вун ажеб дуьз.
Бязибуруз атлас, дере, либа куьз,
Бязибуруз я вун душман дуьня гъей!


Дугъри я, ви амаларни пара я:
Ажал муьквал хъайла, вун квез чара я?
Килигайла, яз вун карвансара я,-
Илифиз хъфидай мугъман, дуьня гъей!

Фана я вун дуьня, гъич садаз тахъай,
Давуд халифа яз- Давудаз тахъай,
Акъван кевиз къуна, Намрудаз тахъай:
Низ хъана бес вакай дарман, дуьня гъей?!

Бязибуру ийида валди шадвал,
Бязибуруз я вун гъамиша шел-хвал,
Бязибуруз вун я ажеб девлет – мал.
Бязибуруз я вун гъижран, дуьня гъей!

Бязибуруал жедатун хупи гъавалат,
Бязибуруз я вун диван адалат,
Бязибуруз гуда вуна хажалат,
Бязибуруз я вун игъсан, дуьня гъей!

Етим Эмин фугъара я, мубтала,
Бала я, дуьня, вун бала я, бала.
Низ амуькна вун, эй дуьня, заз къала?
Бениягъад гъич са инсан, дуьня гъей!





МАЛУМАТ!



Г ь у ь р м е т л у
районэглияр! «Эренлардин
сес» газетдин коллективдин
иштиракчивалаваз, Ватандин
ЧПехи (1941-1945) дяведин
иштиракчияр хьайн
докъуспаравийрикай, абурун
женгерин рекьерикай ктабакъудун
фикирда ава. Дугъри я, чи райондин хуьрера кьилдин ксарин
уьмуьрдин ва дяведин члукариз талукъ документар кваллин
архивра хуьзва. Чи фикир садни хкуд тавуна, ктабда гьатун я.
Талабзава ветеранрикай авай документар «ЭС» газетдин кьилдин
редактор Эдуард Гьажиековал агакъарун. Чна вилив хуьзва!

Халкьдин яшайишдин гьалар кIсевера ва дарда тгъзавай, абурун
игътияжриз дуьзгъувилелди килиг тийизвай, закондин истемешунриз
яб тагана чпин кIвалахар ва кьуллугъ идара ийизвай гьакимар
гьукуматдин аппаратда гьеле кьери туш. Эгер са гьихьтин ятIани
идарада куьн кимивилерал расалмиш жез, абур пулар тIалабиз
хьайитIа, чаз газетдин работникриз хабар це. Чун куь тереф хуьн
патал гьар са дуьшуьшда кьаришмиш жеза ва чIуру кIвалахриз
рехъ тагунин карда гьахъвили даяхар яз акъвазда. И муралдалди
чна, вири уьлкведа хьиз, "горячая линия" кардик куьтазва. Талабзава
чарар кхьин (кьуларни чIугуна).

Чи редакция Тел: (8 269) 2-23-45

Гьуьрметлу газет кIелзавайбур!

«ЭС» газетдин редакцияди квевай ТIалабзава, райондин
идарайриз ва тешикатриз авай суалрин патахъай редакциялиз чарар
кхьин. Чи редакцияди куь суалриз жавабар гуда.

Утерянный аттестат об основном общем образовании серии
05 АБ за №0051520, выданный 2009/2010 уч. году Курушской
средней общеобразовательной школой Докузпаринского района РД
на имя Кулиева Бейлера Незералиевича считать недействительным.

Миграгърин юкьван школадин муаллимрин коллективди
Къурбалиев Халид Исреталиевич
рагъметдиз финихъ галаз алакълу яз Къурбалиева Роза
Надировнадиз ва адан хизандиз башсагълугъвал гузва.

«ГОЛОС ЭРЕНЛАРА»

2001-йисан
ноябрдилай акъатзава

Тешиклайди:
Докузпара райондин
администрация,
Дагъустан Республика

Учредитель:
Администрация Докузпаринского
района, Республика Дагестан

Кьилин редактор:
Э.А.ГЪАЖИБЕКОВ

Жавабдар секретарь:
А.Э. ЭМИРСУЛТАНОВ

Хуси корреспондентар:
Ш.О. ШАГЪБАЛАЕВ
К.Н.ФЕРЗАЛИЕВ
В.С.АГЪАМУРАДОВ

Верстка авурди
А.Э. ЭМИРСУЛТАНОВ

Чапдиз вахкай вахт: 14:00

Чапзавай вахт: 17:00

Тираж 1200

Редакциядинни макъалайрин
авторрин фикирар сад тахъун
мумкин я. Макъалайрин делилрин
дуьзвили патахъай жаваб
авторри чни гуда. Макъалайриз
рецензия гуьзвач ва абур элкьвена
вахкузвач. Мадни, чпин
макъалайра дегиншилтер тунал,
кьилер дегинарунал рази тушир
мухбиривай чна абур
редакциялиз ракъур тавун
тIалабзава.

Газета зарегистрирована
Управлением Федеральной
службы по надзору в сфере связи,
информационных технологий и
массовых коммуникаций по
Республике Дагестан

Регистрационный
номер ПИ №ТУ5 - 00256
от 14 июня 2013 г.

Редакциядин,
издательстводин ва
типографиядин адрес:

368750, Докузпара
район, Усугъчай хуьр,
тел.8 (8269) 22-345
e-mail: erenlar2001@mail.ru